





宋文歸目錄

卷十四

江公望言宰制天下之妙理

江公望請罷羅者

陳驩論蔡京

崔鷗論馮澥

崔鷗古硯銘

唐庾上席侍郎書

唐庾顏魯公祠堂記



唐庫易庵記

唐庫箕踞軒記

唐庫射象記

唐庫古硯銘

汪藻皇太后手書

李綱本政論跡

李綱上三策

李綱奏必勝之計

李綱論今日不可退避

李綱論守備之策

趙鼎請車駕幸洛表

陳東乞復李綱舊職

張浚論絕歸正人跡

張浚辭免都督江淮軍馬表

宗澤建炎元年奏

岳飛論恢復

岳飛謝講和赦表

姜寅亮請選太祖諸孫

虞允文論江上事宜

虞允文請收不世之功

雷觀乞擇相

宋文歸目錄卷十四終

宋文歸卷十四

竟陵鍾惺伯敬父評選

古吳顧夢麟麟士父叅閱

江公望言宰制天下之妙理

天下大器○置諸安則安○置諸危則危○此知置之之地○未知運之之手○
天下神器○為者敗之○執者失之○此知運之之手○未知藏之之道○藏天
下於天下○而不得遜○此所以為道也○孔子曰○惟天為大○惟堯則之○與
天同體○得所以藏之之道○禪之匹夫○如攘芥揮涕之易○得所以運之
之手○煥乎其文○巍乎其功○得所以繕全之理○而置之者也○自堯而下○

以人治天下。以人治天下。敗於道矣。舜捨己從人。禹惟不矜不伐。湯
執中。文王翼翼。武王斤斤。以器之不可滿。而先為可持之方。成王持
盈守成。以器之已滿。而見於能持之力。道既敗矣。器亦狹也。嗟乎。戰
國之縱橫。秦漢之吞并。有為之之敗。執之之失矣。故其妙。不知所以
藏其粗。不知所以置天下無事。亦幸爾。藝祖神考。能運而藏之者也。
仁宗能安而置之者也。今舉以付陛下。如何。其勿思也。

鍾惺曰。微妙似子。狀細味之。而真儒名理。悠然。

江公望請罷邏者

人君明目達聰。所以通下情也。前後有旅。左右有繯。所以防太察也。太察則聞人之過。下情不通。則不聞已過。聞人之過。則姦生而刑滋。不見已過。則心塞而禍萌。此周之厲王。以防口而召亡。漢之顯宗。以耳目隱發為明。而速亂也。邏者之興。推求其意。不過以求瑕。搜匿鈎致盜詐。出於不備。擅發如神。此一酷京兆之俗才。爾使京兆為之側耳目。陛下以天下為度。海內為家。而為良京兆所不為。伏惟陛下即政之三日。一切罷去。天下聞之。翕然歸心。此聞復置。益舊額。通為七十人。一人量以十人為耳目。十人之中。一人又以十人為之。散之通

途永巷不啻數千百人矣。夫婦醜詆之言，仇隙怒傳之語，增情飾狀，
揜隱搜伏，何所不至。親戚不敢誠，朋友不敢信，目不敢注視，手不敢
直指。若此，定非清世之美事也。昔吳主孫權用呂一輩舉罪糾姦，步
騭力詆其非，權尋誅一覺悟。尚早。蓋小人因緣銜命，不務奉公，利在
憑藉威勢，杜絕人口。公狀作過，使上聰不達，威柄漸移，刑及無辜。睽
睽萬目，聞人之過，不聞已過之所致也。願黜獻議之人，通舊額人數，
羅去除禍者，必鋤其根。植福者，必封其本。其根尚存，故葉宜日復生
矣。

鍾惺曰：有識之言。

孫鑛曰
口藥甚

陳瓘論蔡京

臣聞盡言招禍。古人所戒。言語之臣。豈能免此。臣伏見翰林學士承旨蔡京。當紹聖之初。與其弟卞俱在朝廷。冀贊章惇共作威福。卞則陰為謀畫。惇則果斷力行。且謀且行者。京也。哲宗篤於繼述。專於委任。事無大小。信惇不疑。卞於此時。假繼述之說。以主私史。惇於此時。因委任之篤。自明己功。京則盛推安石之聖。過於神考。以合其弟。又推定策之功。毀蔑宣仁。以合章惇。惇之矜伐。京為有助。卞之乖惇。京實贊之。當此之時。言官常安民屢攻其罪。京與惇卞共怒安民。協力排陷。序為姦黨。而孫諤董敦逸。陳次升亦因論京。相繼黜逐。哲宗晚

得鄒浩不由進擬。寘之言路。浩能忘身徇節。上副聖知。京又因其得罪。從而擠毀。是以七年之間。五害言者。掩朝廷之耳目。成私門之利。勢言路既絕。人皆籍默。凡所施行。得以自恣。遂使當時之所行。皆為今日之所改。臣請畧指四事。皆天下之所以議京者也。蔡卞之薄神考。陛下既明其罪矣。兄弟同朝。墳簞相應。事無異議。罪豈殊科。一點一留。人所未諭。此天下之所以議京者一也。邢恕之累宣仁。陛下既明其罪矣。宣訓之語。究治之事。陛下既察其誣造。於是司馬光劉摯。梁燾等。皆蒙叙復。京嘗奏疏。請誅滅摯等家族。審如京言。則所以累宣仁者。豈特邢恕一人而已哉。在恕則逐之。在京則留之。其可以塞

邢恕不平之口而慰宣仁在天之靈乎。此天下之所以議京者二也。
章惇自明定策之功。追貶王珪。京亦自謂元豐末命京帶開封府創
子携劍之內。欲斬王珪。京之門人皆謂京於此時禁制宣仁。京亦有
社稷之功。今陛下雪珪之罪。還其舊官。則是以惇之貶珪為非也。在
惇則非之。在京則留之。如是惇有詞矣。珪有憾矣。此天下之所以議
京者三也。章惇之初。篤信京。卞傾心竭意。隨此二人。假繼述之說。以
行其私。三人議論如出一口。自紹聖三年九月。卞為執政。於是京有
缺望而與惇睽矣。四年三月。林希為執政。於是京始大怨而與惇絕
矣。自今觀之。京之所以與惇睽絕者。為國事乎。為已事乎。狀京之所

以語人者曰我助惇而惇不聽也我故絕之我教卞而卞不從也我故怒之我與弟卞不相往來久矣我緣國事今與愛弟不相往來而況於惇乎臣切料京之所以欺陛下者亦必以此言也何以驗之卞之赴江寧也京往餞之期親遠行法當賜告而京之所以牒閣門者初以妹行為請法不許也遂請朝假終不敢以弟卞為言雖在朝假而日至國門之外京之動靜如此即不知陛下皆得其實乎此明主之所宜察也且兄弟同朝共議國事自無不相往還之理假使不相往還豈人倫之美事乎此天下之所以議京者四也陛下即位之初以用賢去邪為先而京之蒙救欺罔曾無忌憚陛下必欲留京於朝

茅坤曰京之去布寔慶之不當故既去復來卒禍宋國

者其故何哉。臣知陛下聖意本無適莫。而京之所以據位希進。牢不可拔者。蓋以韓忠彥曾布不能為國遠慮。輕率自用。激成其勢。故也。京卞同惡。天下所知。若用天下之言。以合公議。則顯正二人之罪。何難之有。忠彥等不務出此。而果於自用。於是託於謀帥而出之太原。雖加以兩學士之職。而實以詭計除之。想當進擬之時。必有不情之奏。用竒設策。不由誠心。二聖安得而無疑。公議亦以為未允。及京之留布。復爭辨再三。之漬無以取信。相激之勢。因此而成。唐明皇欲用牛僊客為尚書。張九齡以為不可。明皇曰。但知實封可乎。九齡又以為不可。明皇變色曰。事皆由卿耶。李林甫曰。僊客宰相才也。何有於

尚書九齡書生不達大體由是明皇悅林甫之言卒相僭客而九齡
自此浸疎終見黜罷今忠彥及布無九齡之望而京之氣馱過於僭
客因勢觀望而為林甫之言者不知幾何人也陛下進賢退邪法則
堯舜明皇之事固不足道狀而天下之心皆疑陛下有大用京之意
者以京之復留故也京之所以復留者以忠彥等去之不得其道故
也去之不得其道則留之者生於相激萬一京果大用則天下治亂
自此分矣崔羣謂唐之治亂在李林甫張九齡進退之時今京輕欺
先帝與下無異而又歸過於先烈賣禍於惇卞曲為自安之計而陛
下果留之也今既可復留後亦可以大用天下治亂之勢繫於一京

崔羣之言。可不念耶。臣恐後之視今。亦猶今之視昔。禍亂之機。不可不早辨也。陛下嗣位之初。首開言路。可謂知所先務矣。臣愚首預茲選。明知京在朝廷。必為大患。而不能以時建言。萬一有意外不虞之變。陛下翻然悔悟。誅責當時言事之臣。則臣雖碎首陷胸。何補於事。此臣所以憤悶而不敢默也。臣嘗為卞所薦。與京無纖介之隙。所以言者。為國事耳。非特為國。亦為蔡氏也。自古不忠之臣。以私害公。初因自利。終必累國。國有逆。遭私家將安歸乎。卞之尊紹王氏。知有安石。豈知有神考。知有金陵。豈知有京師。絕滅史學。一似王衍。重南輕北。分裂有萌。臣之痛心默憂。非一日也。真宗景德中。北虜至澶淵。

王欽若請駕幸金陵。當時若用此計。則天下分為南北久矣。賴真宗用寇準之言。所以四方混同。得至今日。天錫陛下聰明仁勇。融會南北。去卞不疑。朕而京尚未去。人實憂之。兄弟一心。皆為害國。一去一留。失政刑矣。唐會昌中。工部尚書薛元賞與其弟京兆少尹權知府事。元龜皆宰相。李德裕之黨。及德裕既敗。貶元龜為崖州司戶。元賞為忠州刺史。迺者蘇軾及轍亦兄弟也。古今故事。非不明白。何獨一京。獲以計免。枉朝廷之法。令以徇一京。不知祖宗基業。何負於蔡氏乎。且自京卞用事以來。牢籠薦引天下之士。處要路。得美官者。不下數百人。其間才智藝能之士。可用之人。誠不為少。彼皆明知京卞負

國欲洗心自新○捨去私門○顧朝廷未有以招之耳○臣謂京在朝廷○則此數百千人者○皆指為蔡氏之黨○若京去朝廷○則此數百千人者○皆朝廷之用○所以消合朋黨○廣收人才○正在陛下果於去京而已○此非臣之臆說○乃神考已用之術也○熙寧之末○王安石呂惠卿紛爭以後○天下之士○分為兩黨○神考患之○於是自安石既退○惠卿既出之後○不復用此兩人○而兩門之士○則皆兼取而並用之也○當時天下之士○初有王黨呂黨○而朋黨之禍○終不及於朝廷者○用此術耳○今陛下留京於朝廷○而欲收私門之士○是猶不去李昇錢鏐○而欲收江浙之士也○不亦難乎○朕則消黨之術○唯在去京而已○今京關通交結○其勢益牢○

孫鑛曰
人排陷正
人之術一
說破

廣○布○腹○心○共○謀○私○計○羽○翼○成○就○可○以○高○飛○愚○弄○朝○廷○有○同○兒○戲○陛○下○
皆○不○早○寤○漸○成○孤○立○後○雖○悔○之○亦○無○及○矣○自○古○為○人○臣○者○官○無○高○下○
干○犯○人○主○未○必○得○禍○一○觸○權○臣○則○破○碎○必○矣○或○以○為○離○間○君○臣○或○以○
為○買○直○題○怨○或○托○以○它○事○陰○中○傷○之○或○於○已○黜○之○後○責○其○怨○望○此○古○
之○人○所○不○免○也○臣○豈○敢○自○愛○其○身○乎○若○使○臣○自○愛○其○身○則○陛○下○不○得○
聞○京○之○罪○矣○國○家○內○外○無○事○一○百○四○十○一○年○矣○太○平○之○久○古○所○無○有○
其○可○畏○也○譬○如○年○老○之○人○康○寧○無○疾○日○服○溫○暖○猶○恐○氣○衰○至○於○保○養○
陰○邪○必○成○心○腹○之○患○京○在○朝○廷○何○以○異○此○伏○望○陛○下○慎○保○祖○宗○之○業○
獨○持○威○福○之○柄○斷○自○宸○衷○果○於○去○惡○天○下○幸○甚○

鍾惺曰。蔡京禍國之惡。確已說盡。而徽宗竟戀戀不忍去之。即去之未幾。又復用之。不識何故。豈禍來神昧。而竟自知耶。

崔鷗論馮漸

陳仁錫曰
小人百計
只欲使人
主不知其
為小人耳
此論道破

伏觀六月一日詔書詔諫臣直論得失以求寔是此見陛下求治之切也。狀數十年來王公卿相皆自蔡京出其餘擢居要路以待相繼而用者又充塞乎臺省要使一門生歿則一門生用一故吏逐則一故吏來更持政柄互秉鈞軸歷千百年無一人立異雖萬子孫無一人害已此蔡京之本謀也安得寔是之言聞於陛下且如馮漸近日上章其言曰士無異論太學之盛也此姦言也昔王安石除異已之人當時名臣如韓琦富弼司馬光呂公著呂誨呂大防范純仁等咸以異論斥逐布衣之士誰敢為異乎士攜書負笈不遠千里游於學

校其意不過求仕官爾。安石著三經之說。用其說者入官。不用其說者黜落。於是天下靡然雷同。不敢可否。陵夷以至於今。大亂此無異論之效也。而尚敢為此說。以熒惑人主乎。又曰。崇寧以來。博士先生狃於黨與。各自為說。附王氏之學。則詆毀元祐之文。服元祐之學。則詆誚王氏之說。尤為欺罔。豈有博士先生敢為元祐之學。而詆誚王氏之說乎。自崇寧以來。京賊用事。以學校之法。馭士人如軍法之馭卒伍。大小相制。內外相轄。一容異論者。居其間。則累及上下。學官以黜免廢錮之刑待之。其意以為一有異論。則已之罪必暴於天下。聞於人主。故爾。博士先生者。敢詆誚王氏乎。欲乞下太學。取博士講解。

覆視則澣之誕信見矣。至如蘇軾黃庭堅之文集。范鎮沈括之雜說。畏其或記祖宗之事。或記名臣之說。於已不復故。一切禁之。坐以嚴刑。購以重賞。不得收藏。則禁士之異論。其法亦已密矣。澣言。服元祐之學。詆誚王氏之說。其欺罔不亦甚乎。欺罔之言。公行則寔是何從而見焉。先王之求寔。是亦有道矣。傳曰。皇帝清問下民。周官詢於衆庶。孟子以不左右卿大夫之言為狀。必詢於國人。則寔是見矣。臣乞以澣所上章。并臣之章。垂於象魏。揭於通衢。以驗國人之論。而賞罰之以戒小人。欺罔君父者。此陛下之福。天下之幸也。取進止。

鍾惺曰。小人伎倆。說者以為詭秘。不知明眼人視之。如指諸掌耳。

觀此可知

唐康顏魯公祠堂記

上元中。顏公為蓬州長史。過新政。作離堆記。四百餘言。書而刻之石。壁。上。字。徑。三。寸。雖。崩。壞。剥。裂。之。餘。而。典。刑。具。在。使。人。見。之。凜。然。也。元符三季。余多強。對。來。尹。是。邑。始。為。公。作。祠。堂。於。其。側。而。求。文。以。為。記。余。謂。仁。之。勝。不。仁。久。矣。朕。有。時。乎。不。勝。而。反。為。所。陷。焉。命。也。史。臣。論公。晚。節。偃。蹇。為。姦。臣。所。擠。見。隕。賊。手。是。未。必。朕。公。孫。丞。相。以。仲。舒。相膠。西。梁。冀。以。張。綱。守。廣。陵。李。逢。吉。以。韓。侁。使。鎮。州。而。盧。杞。以。公。使。希烈。其。用。意。正。相。類。爾。朕。於。數。君。終。不。能。有。所。傷。而。公。獨。不。免。於。虎。口。由。是。觀。士。之。成。敗。存。亡。豈。不。有。命。耶。而。小。人。軒。朕。自。以。為。得。計。不。亦

謬乎且吾聞古之尚友者以友天下善士為未足又尚論古之人誦其詩讀其書思見其人而不可得則方且欲招屈子於江濱起士會於九原蓋其志所願則超然慕於數千百載之後而況於公乎公之功名事業已絕於人而文學之妙亦不可及因其心畫之所在而祠之此昔人尚友之意也嘗試與疆外登離堆援石堂觀其遺跡而味其平生則公之精神風采猶或可以想見也夫

鍾惺曰大意只一二語點出而有餘不盡俱於言外想見閒情靜氣映人眉宇

孫鑛曰語
不趣不出

唐庠上席侍郎書

其備員學校。三載於此。在輩流中年齒。最為高大。詞氣學術。最為淺陋。教養訓導之方。取為疎拙。所以未即遂。忝正賴主人以為重。今閣下還朝。曉夕大用。為執政。為宰相。為公。為師。此誠門下小子之所願聞。朕孤宦小官。遽奪所依。此其胸中不能無介。朕者。日夜思慮。求所以補報萬一。而書生門戶。無有他技。因效其所得於古人者。惟閣下裁擇。其初讀書時。未習時事。意謂古之聖賢。例須建功立名。其後涉世益深。更事益多。考論前代經史。益見首尾。乃知古人之心。本不如。此。舟遇險。則有功。燭遇夜。則有功。藥遇病。則有功。楮棧遇旱。則有功。

鍾惺曰高
論消人多
少臻心安
念

戈○等○劍○戟○臨○衝○堯○鑒○遇○戰○則○有○功○凡○物○有○功○悉○非○得○已○龍○蛇○雜○處○
而○禹○有○功○草○木○障○塞○而○益○有○功○民○不○粒○食○而○稷○有○功○天○珪○人○倫○顛○倒○
失○次○而○禹○有○功○夷○蠻○賊○寇○千○紀○亂○治○而○咎○繇○有○功○自○此○以○降○不○可○勝○
舉○朕○皆○因○時○立○功○非○聖○賢○本○意○伊○陟○臣○扈○巫○咸○相○大○戎○無○他○奇○功○以○
格○上○帝○又○王○家○為○功○巫○賢○甘○盤○傳○說○相○祖○乙○武○丁○不○聞○有○功○以○保○又○
有○商○為○功○君○陳○相○成○王○畢○公○相○康○王○不○自○立○功○以○循○周○公○之○業○為○功○
後○世○知○有○功○之○為○功○而○不○知○無○功○之○為○功○其○本○道○已○遠○至○謂○聖○賢○有○
心○於○功○名○其○揆○聖○賢○亦○淺○矣○天○下○承○平○日○久○綱○紀○文○章○纖○悉○備○具○無○
有○毫○髮○未○盡○未○便○一○部○周○禮○舉○行○畧○遍○但○不○姓○姬○甬○竊○謂○今○日○正○當○

持循法度。不宜復有增廣建置。歌呼於吏舍者。勿問。醉吐於車茵者。勿逐。客至。欲有所開說者。飲以醇酒。勿聽擇。士唯取通大。能知古誼者。用之。雖不立功。功在其中矣。其之所得於古人者。如此。不知其當否也。閣下儻以為狀。歸見何丞相。其亦以此說告之。

鍾惺曰。高潔似山谷。疎爽似東坡。若韻趣則子西所獨也。

譚元春曰。手筆鬆快。無說不透之理。

崔鷗古硯銘

知○其○白○守○其○黑○似○老○學○不○厭○教○不○倦○似○孔○其○寔○墨○家○者○添○摩○頂○放○鍾○
茅○坤○曰○古○甚○趣○甚○筆○墨○貴○甚○與○唐○子○西○作○不○易○伍○昂○
鍾○惺○曰○只○三○言○而○風○趣○無○窮○

唐康易庵記

客問陶隱居。吾欲注周易本草。孰先。隱居曰。易宜先。客曰。何也。隱居曰。注易誤。猶不殺人。注本草誤。則有不得其死者矣。世以隱居為知言。與吾之說大異。蓋六經者。君本之致治也。漢時決疑獄。斷國論。悉引經術。茲豈細故而易言哉。本草所以辨物。六經所以辨道。道者物之所以生。萬物者人之所資。以為生一物之誤。猶不及其餘道術一誤。則無復子遺矣。前世儒臣引經誤國。其禍至於伏尸百萬。流血千里。本草之誤。豈至是哉。注本草誤。其禍疾而小。注六經誤。其禍遲而大。隱居注草木矣。故知本草之為難。而未嘗注經。故不知經尤為難。

而不可率易如此。世以不服藥為中醫。此言雖小。可以喻大。吾用易不審。陷難。幾死。今幸閑廢。方且據菴熟讀。而深思之。復書此二本。其一以自警。其一以寄二子焉。

鍾惺曰。文亦猶人。往往以不衫不履自異。

唐庾箕踞軒記

箕踞者山間之容也。拳腰聳肩，抱膝而危坐，偃僂跼縮，其圓如箕，故古人謂之箕踞。便於賦詩，便於閱書，便於長嘯，其勢如蹲猿，如投竿而漁者，蓋長松之下，灘石之上，放朕不拘，禮法者之所為也。以之事上，則不恭；以之臨下，則不莊；以之待賢者，則有所不可以之遇衆人；則有所不敢。故古之士大夫，矜名檢飾，邊幅者，皆鄙而不為。子今以五斗紅腐，置身於憂患之場，是非利害，洶洶百出，以一身之微，受無窮之責。目視上帝，則輒取怪怒；方且遠讒畏說，規規然從事於禮法，柔骸和容，歛服磬折，拜揖跪起，以取媚於世，惟恐其不悅，而以箕踞

名軒。豈不異哉。蓋官舍之西。舊有軒數間。直堂屋之後。人事之所不
及。賓客遊之所不至。往往獨游於此。解衣盤礴。箕踞於胡床之上。
舍。次賦詩。曝背閱書。以釋其忽忽不平之氣。臨風長嘯。而草木為之
蕭。然。是以見其誕率如此。而尤有所畏。而誕率之性。終不能少貶。亦
施之處已。而不以接物。則庶幾其無患也。故以箕踞名之。而為文以
見其所以名之之意。

鍾惺曰。子西為五斗折腰。而高風不減。淵明可見高在人品。不在
出處也。

唐康射象記

政和三年三月乙卯。有象逸於惠州之北門。惠人相與攻之。搃戈戟。弓弩火炬者至數百人。而空手旁觀鼓噪以助勇者亦已千計。既至。皆逡巡不進。有監稅蒙順國者。邕州邊人。以矯捷自矜。短衣踴躍。披數十矢射之。中項背如蝟毛。象龐狀不動。徐以鼻卷去。衆後中左耳。涿血披面。象怒馳之。順國棄弓反走。未數步。象以鼻鉤其膝。盤之於地。蹂踐之。衆潰走散。象亦緩緩引去。少馬吏卒就視。則順國已碎首。折脇。陷胸。涿腸。死矣。吾時方食。聞之。投筯嘆息。嗟夫。使象得入城。則鼻之所觸。齒之所拂。足之所蹴。豈復有邑屋居民聚落也哉。為萬人。

排難而○以○一○身○死○之○此○吾○所○以○嘆○也○狀○吾○聞○交○趾○捕○象○必○用○橈○穿○木○
有○直○決○者○吾○嘗○識○其○形○矣○其○立○如○屋○其○卧○如○堤○其○行○如○舟○是○豈○可○與○
力○競○也○哉○若○人○者○可○謂○愚○矣○此○吾○所○以○又○嘆○也○狀○向○使○數○百○人○者○叶○
心○戮○力○齊○奮○而○共○擊○之○亦○未○必○不○勝○脫○今○不○勝○猶○當○不○至○於○此○此○吾○
所○以○又○歎○也○雖○狀○古○之○不○量○事○力○奮○區○區○之○忠○以○排○難○救○人○為○已○任○
而○困○於○無○助○以○至○碎○首○折○脇○陷○胸○涿○腸○而○死○者○亦○安○可○勝○數○凡○有○志○
而○無○成○者○皆○是○也○何○獨○此○哉○此○吾○所○以○又○嘆○也○作○射○象○記○
鍾惺曰○情○深○韻○冷○有○意○到○筆○不○到○之○致○開○後○來○風○趣○一○派○

唐庾古硯銘

硯與筆墨蓋氣類也。出處相近。任用寵遇相近也。獨壽夭不相近也。筆之壽以日計。墨之壽以月計。硯之壽以世計。其故何也。其為体也。筆最銳。墨次之。硯鈍者也。豈非鈍者壽而銳者夭乎。其為用也。筆竅動。墨次之。硯靜者也。豈非靜者壽而動者夭乎。吾於是而得養生焉。以鈍為體。以靜為用。或曰。壽夭數也。非鈍銳動靜所制。借令筆不銳。不動。吾知其不能與硯久遠也。雖朕寧為此。勿為彼也。銘曰。不能銳。固以鈍為體。不能動。固以靜為用。惟其狀是以能永年。

茅坤曰。氣味簡貴之甚。

鍾惺曰。說出至理。使人怵然。與巧言寓言者不同。

汪藻皇太后布告天下手書

此以敵國興師。都城失守。祿縶宮闈。既二帝之蒙塵。誣及宗祏。謂三
靈之改卜。衆怒中原之無統。姑令舊弼以臨朝。雖義形於色。而以死
為辭。狀事迫於危。而非權莫濟。內以極黔首將亡之命。外以紓鄰國
見逼之威。遂成九廟之安坐。免一城之酷乃以衰廢之質。起於閒廢
之中。迎置宮闈。進加位號。舉欽。暨已還之典。成靖康欲廢之心。永言
運數之屯。坐視邦家之覆。撫躬獨在流涕。何從緇維。藝祖之開基。寔
自高穹之眷命。歷年二百人。不知兵傳序。九居世。無失德。雖舉族有
北轅之費。而敷天同左袒之心。乃眷賢王。越居近服。已徇羣情之請。

俾膺神器之歸。繇康邱之舊藩。嗣宋朝之大統。漢家之厄。十世空光。
武之中興。獻公之子。九人惟重耳之尚在。茲為天意。夫豈人謀。尚期
中外之協心。同定安危之至計。庶臻小愒。同底丕平。用敷告終。多方
其深明於吾意。

鍾惺曰。艱危倉卒中立君。亦最難措詞。而此書既無誇詞。亦無屈
筆。寫出當時事勢情理。覺必如此。方合天心人意。而字外楚
使人感憤。文學言語。占孔門二科。良有以也。

李綱本政論疏

朝廷天下之本也。政事法度於是乎出。故中書進擬。門下審駁。尚書奉行。所以宣布天子之命令。使四方稟承焉。政出於一。則朝廷尊而天下安。政出於二三。則朝廷卑而天下危。唐至文宗之朝。可謂衰弱矣。武宗既立。得一李德裕相之。而威令遂振。何哉。德裕知所本故也。其初為相。即上言曰。宰輔非其人。當亟廢罷。至天下之政。不可不歸中書。武宗聽之。故能削平僭偽。端為中興。朕則於艱難多事之秋。所以出政者。尤不可以不一也。自崇觀以來。政出多門。閹宦恩倖。女謁皆預朝政。宰執保身固寵。不敢為言。馴致靖康之禍。非一朝一夕也。

顧陛下深思天下安危之本。察德裕之言。而法武宗之任人。監崇觀

之失。以刷靖康之大耻。

鍾惺曰。觀其慨然自任處。不減伊尹。惜高宗庸懦不能用。千古而

下為之扼腕。



